

**Канон святой преподобномученице и исповеднице Феодоре
Боровской (во святом крещении – боярыне Феодосии
Морозовой)**

Тропарь, глас 5. Многоскорбную пучину мученических подвигов добре преплывши, достигла еси в Небесное Царство, исповеднице Божественная Феодоро, молися о нас Господеви, да не будем потоплены душэтленными волнами грехов и беззаконии, но да сподобимся жизни вечныя со святыми (дважды).

Слава, и ныне. Богородичен. Радуйся Двери Господня непроходимая, радуйся Стено и Покрове прибегающим к Тебе, радуйся заветреннее Пристанище Неискусобрачная, рождающая плотию Творца Своего и Бога, молящи не презри о воспевающих и кланяющихся Рождеству Твоему (поклон).

Канон, глас 7. Песнь 1. Ирмос. Манием Ты наземен образ преложися, первые разливаемое водное естество Господи, темже немокренно шествовав Израиль, поет Тебе песнь победную.

Запев с поклоном: Святая преподобномученице и исповеднице Феодоро, моли Бога о нас.

Святую Феодосию восхвалити по достоянию не возмогаю недостойныи аз, но Ты Христе, подаждь ми Свою всемогущую благодать молитвами ея.

Запев. Всею душею и всею мыслию возлюбила еси Христа Бога, и служаше Ему вся дни живота своего, верою и добродетельми.

Слава. Яко ревностная исполнительница Евангелия, нищих миловаше, страннных приимаше, и всем требующим помощи служаше, Феодосие любвеобильная.

И ныне. Богородичен. Евву прельсти искушитель с недюю красного плода, и нас ныне обольщает. Тобою избавляемся искушению его Владычице, всепетая и неискусобрачная.

Катавасия: Избави от бед рабы своя, святая преподобномученице и исповеднице Феодоро, яко вси по Бозе к тебе прибегаем, ты бо молиши о нас Христа Бога нашего (поклон).

Господи помилуй (трижды, с поклонами).

Песнь 3. Ирмос. В начатце небесá Всесильным Слóвом Си утвержéи, Гóсподи Спáсе, и всетворящим Дúхом Бóжиим всю сýлу íх, на недвижимом мя кáмени исповедáния Твоегó утвердí.

Запев. Твёрдо исполня́я за́поведи Бóжии Феодóсие, всéх наставля́ше пребýти в вéре правосла́вней, и творíти дéла дóбрая нелицемерно.

Запев. Умéты вмени́ла есí благорóдие рóда, и богатство и чéсть, прияв áнгельский о́браз, и наречéна Феодóрою, в нём же и поживé богоугоднó.

Слава. Юности взыгрáния умертвила есí воздержáнием, молítвою и богомы́слием, и явísя избáнными сосúд благодати Бóжия, Феодóро преподóбная.

И ныне. Богородичен. Твоím вседержáвным покрóвом сохраня́емся от бýри вра́жиих нападáнии, Влады́чице Пресвятáя, христиáном вёрное прибéжище.

Катавасия. Гóсподи помíлуй (трижды, с поклонами).

Седáлен, глас 5. За лишéние богат́ства гíбнущаго получи́ Цáрьство Небéсное блажéнная, за поругáние врéменное восприя́т сла́ву вéчную, за смра́дную темни́цу наслажда́ешься неизречéнною свéтлостию и благоухáнием, и мо́лишися Христóви спастísя всем, вёрно торжествýющим святýю пáмять твою́.

Слава, и ныне. Богородичен. Погружа́ем треволнэнии страстéй лю́тых, прибега́ю к Тебé Пречíстая, воздвígни мя от нíх вскóре, и спасí мя от всякого навéта лука́ваго, и поразí борýщих мя сýлою от Тебé Рождéнаго.

Песнь 4. Ирмос. Отча нéдра не оста́вь, и сошéd нá землю Христé Бóже, тáйну услýшав смотре́ния Твоегó, и просла́вих Тя Человеколю́бче.

Запев. Феодóру преблажéнную чтú с любóвию и благоговéнием, я́ко святýю и преподóбную, я́ко мýченицу и исповéдницу, я́ко вели́кую угóдницу Бóжию, и молítвенницу о душáх нáших.

Запев. Еретицы́ не терпя́ще твоея́ рéвности и любвí к Бóгу, но́щию émше тя, сковáша úзами желéзными, и врíнуша в подклéть на томлэние.

Слава. Отречёся преподобная прияти обычаи Православию противнии, и свергоша ю мучители в темницу, идеже досаждения и беды терпяше, поющи Бóгови, прославляя Тя Человеколюбче.

И ныне. Богородичен. Невместимы небесы во чрево Твоё, Присно Дёво, вместися неведомым образом, и родися неизреченно, спасаю мир от работы вражия.

Катавасия. Гóсподи помилуй (трижды, с поклонами).

Песнь 5. Ирмос. Нóщь не светла неверным, верным же просвещение в пищи, словес Твоих, и сего ради к Тебе утренюю, и воспеваю Твоё Божество.

Запев. Дёлы показала еси, яко пребываеши в Цёркви истинней, сподобившись, и во узах причаститися тела и крови Христовы от благочестиваго священноинока Йова.

Запев. О болёзни сына своего единороднаго вельми скорбящи, не предпочла еси того Христу, якоже жадаху противницы, зываше бо со многострадальным Йовом: Господь даде, Господь и отъят.

Слава. Разреши неплодие супружества, и сохрани здравие младенцем, своими предстательствами пред Богом, молимтися, Феодоро великоименитая.

И ныне. Богородичен. Тобою потребися клятва и умертвися смерть, Тобою благословение процветё, и жизнь миру даровася, Богородице Марие, рождающая Спаса всём.

Катавасия. Гóсподи помилуй (трижды, с поклонами).

Песнь 6. Ирмос. Плавающего в молве житейских суетии, и с кораблём потопляема грехи, и душеленну зверю приметема, яко Иона Христе вопию Ти: от смертных глубины возведи мя.

Запев. Увещваху тя еретичести начальницы, соединитися с ними в вере, ты же препре их Писании Священными, Феодоро премудрая.

Запев. Человёцы свирепии тако яростно влечяху тя с увещания за цепь железную, ею же бе окована вья твоя, яко и главе твоей битися даже до крове о степени лествичных.

Слава. Тебѣ ругающеся суетмудреннии, вожаху ты на дрѣвнях по стѣгнам градским, но ты и здѣ исповѣдаше дрѣвнее Православие, истинным крестным знаменіем.

И ныне. Богородичен. Не лишѣ нас грѣшных Твоея помощи и заступленія, не имамы бо вернии, иныя надежды и прибежища по Бозе, разве Тебѣ Владычице.

Катавасія. Господи помилуй (трижды, без поклонов). Слава, и ныне.

Кондак, глас 1-и, подобен: Лик ангельский. Благочестно проходя путь жизни, прияла еси иноческии образ, в нем же Богу угоди, и люди утверди в вере истинней, преподобномученице Феодоро прехвальная, с пострадавшими с тобою благоверными женами, молися Господеви, подати нам велию милость.

Икос. Возсия днесь светоносная память твоѣя, великоименитая исповѣднице Феодоро, пострадавшая от рук беззаконных, и победившая полки бесовския терпением мук, изгнанием в заточение и кончиною мученическою от глада, тем же славим Христа Бога, твоими молитвами подающего нам велию милость.

Песнь 7. Ирмос. Иже в пещь огненую ввержени преподобнии отроцы, и огонь на хлад преложѣша, воспеваніем сѣце пояху: благословен еси Господи Боже отец наших.

Запев. Ужас бе зрѣти, егда преподобную Феодору подъяша на дѣбу, и ломахуся составы ея, растягахуся жилы и кожа, она же взываше: благословен Бог отец наших.

Запев. Сослаша ты мучители во град Боровск, идеже вринуша в подземную темницу, и томляху мразом и гладом и жаждою, ты же глаголаше: благословен Бог наш, изволивый тако.

Слава. Лютыя муки претерпевшая великая в женах Феодоро, исцеляеши болѣзни естества женскаго своими молитвами, тем ты благодарственно воспеваем.

И ныне. От сосцѣ питавыися Матере Своея яко младенец Исусе Христѣ, сохрани от болѣзней младенцев, и спаси их молитвами рождшия Тя.

Катавасія. Господи помилуй (трижды, с поклонами).

Песнь 8. Ирмос. Неопальна огнём в Синаи причащшись, купина Бóга показá, медленнoязычнy и гyгнйвy Моисéови, дéти рвéнием Бóжиим вметáемьy во óгнь певцý показá, вся дéла Госпóдня Гóспода пóйте, и превозносíte Егó во веки.

Запев. Юдуже ни свёт, ни глас, ни воздух пронцаше, во óной смрадней темнице, тлёю исполненной, глáдом томíма, мýченически скончалася есй.

Запев. Бóровску граду похвалá есй, и покрóв и заступлénие, исповédнице Феодóро, в нём бо предалá есй дýшу свою в рýце Бóжи, и нá Небесех мóлишися о всём мíре.

Слава. О тебе хвалится земля рýская, тобою украшается Цérковь Бóжия, в ней бо ты процветé, я́ко цвёт благоухáнны, и просия́ я́ко кáмень многоцэнны.

И ныне. Богородичен. Возгрéй в сердцах нáших любóвь нелицемёрную ко всём человекóм, и истребй ненависть от людéй, да сподóбимся всй Цáрьства Небéснаго, ходáтайством Твоём Богомáти.

Катавасия. Гóсподи помíлуй (трижды, с поклонами).

Песнь 9. Ирмос. В́ше естества́ Мáтерь, и по естествý Дéву, ед́ну в женах благословéную, пéснями вёрнии Богорóдицу величáем.

Запев с поклоном. В Цérкви воиньствующей мýченически пострадалá есй, в Цérкви торжествýющей ны́не водворяешися со áнгельскими ч́иньми, я́ко исповédница достохвáльная.

Запев. Избáви преподобномýченице странý нáшу от междоусóбных брáни и от всякого злá, развева́ мрáк безбóжия и беззакóния, и водворя́ мír и тишинý молítвами сво́ими.

Слава. Ю́же получилá есй рáдость неизглагóланную нá Небесех, тоя сподóби и менé многогрéшнаго, сию́ убóгую пéснь тебе воспéвшаго, Феодóро преименítая.

И ныне. Богородичен. Седя́и на херув́имех престóл Себé Твоé чрэво соделá Богорóдице, тём же явилася есй в́шьши херув́им, и всéх сил Небéсных.

Катавасия. Гóсподи помíлуй (трижды, с поклонами).

Отпѹст. Гѡсподи Исѹсе Христѣ Сыне Бѡжи, молѣтв рѡди Пречѣстѣя Твоея Мѡтере, и святѣя преподобномѹченицы исповѣдницы Феодѡры, и всѣх святѣх, помѣлуй и спасѣ нас, яѣко блѡг и Человеколѹбец. Амѣнь.